

黔陽縣志卷之十四

賦役三

王光電造坐庫魚鱗冊記

蓋聞版圖之設自古皆然田賦攸歸於今豈異黔邑  
田地山岡自康熙三十八年清丈時邑令張公諱景  
生者事甫竣卽陞沅州以故僅有掌冊收存之冊未  
經攢造存庫底冊迨後歷任相沿或在任未久或公  
牘紛繁遷延至今世遠年湮豪衿猾吏賄囑塗抹者  
有之勢壓添改者有之種種弊竇不一而足余抵任

黔陽縣志

卷之十四

賦役三

三十五

龍標藏板

後洞悉此種情形急欲照造存庫以定永遠章程以  
杜添改弊竇每慮資費浩繁磨對需時未敢輕率舉  
行乃遲之又久改塗印冊之風日甚而借端生事之  
徒日熾遂於雍正十年八月捐備紙筆傳齊縣屬冊  
書人等聚集公所着令攜帶康熙三十八年印冊照  
本謄錄並令典史改廷繡每日親詣監察逾年始成  
取具各冊書並無隱匿遺漏甘結存案先之於書識  
之磨對繼之於署友之校正其中字迹之改塗者則  
用原改圖記其有本是而今非者則悉行改正用嚴



字圖記若此字本應塗抹則用抹字圖記是一册也而經數人之手無慮大相徑庭第恐册頁繁多豈敢謂纖毫無爽所望後之君子再加確核其爲黔民造福寧有涯耶再如在城一里號口多有不全揆厥由來因該掌册之父寄寓僧房竟爲宵小竊去無從查考若欲履畝勘劃勢必紛更多事順一一里大半不載四至亦當時丈量之缺失太平一里止有三十年印册據稱當時原係自丈本無字號至三十八年上名雖覆丈實未造册投查訪之故老總因該里爲黔

陽第一遠鄉未免天高法遠迨長公陞任後歷任俱未及清丈此番攢造存庫册籍亦只照三十年印册抄錄鈐印以備日後考核永寧一里係原神分出字號與原神同至新編之永興永定二里向來攤入各里原未另立字號其餘子二子五等里亦多有不載四至甚且藏之不密或飽蠹魚或霉字迹論坐庫底册自應徹底清查期於毫無疑竇而止但掌册一役又屬更替輪充似未便專責一人所有各里前項號口不全等弊歷年已久跟究爲難只就現在之册照



抄鈐印存於內衙大廚嚴防範而慎管鑰亦庶幾章程一定於黔邑士民不無少補萬一云爾時雍正十一年八月知縣王光電記

張扶翼徭役論

記畧

黔邑之先遇大徭役如大兵出師還戍家口遷移谷草人夫供應悉照邑分辨開闢之初黔邑熟糧五百八十石零戶口一千三百八十丁零耳需夫多至數千餘名順治十七八年

王師取滇黔分買料谷八千石零草四十八萬束官既不黔陽縣志

黔陽縣志

卷之十四

賦役三

三十七

龍標藏板

支民多逃匿蓋以熟糧五百疇戶千餘之黔邑而與他完都大邑比猶責不勝匹雛之孱夫與烏獲競任也元年内

王師凱旋駐沅乃得請於兵憲鄧轉奉偏沅部院周批詳軍需各項悉以州縣之丁糧爲準是役也黔邑僅買谷八百石零草二萬六千束零夫一百餘名嗣是西山用兵役夫十餘萬人一照各郡縣見差丁糧均派義不獨累黔民乃慶更生而撥派他縣驛之防損夫馬各項正閏銀兩康熙元年内又蒙驛憲朱更定夫



馬詳請部院周批允准作本縣夫馬工食工料支銷  
在本縣既無關領掛發之煩又免轉解煩費之苦遂  
爲地方永便

舊志徭役論

本邑紳士撰

黔邑徭役凡有數端有爲全書所載者有全書所不  
載而起於一時附近之上臺以意撥協而遂爲成例  
者有爲成例所未有而起於營弁之肆虐刁民附之  
遂爲一定之例若在上臺之撥協當時既不能執例  
而爭而營弁之肆虐當時又不能不委曲而從沿而

黔陽縣志

卷之十四

賦役三

三十八

龍標藏板

爲例病以日深宜其憊也全書所載者何前項怡容  
辰谿船溪驛所遞運損防等夫界亭吹手江南盛京  
班匠等役懷羅晃便等馬是也全書所不載而起於  
一時附近之上臺以意撥協而遂爲成例者如開復  
之初辰沅兵憲張撥黔邑石大子弟四里里夫一十  
五名協懷化撥原神里夫一十六名協便水五名協  
沅水是也而順福二里一都一里又有無名無例之  
灰夫起於前明之末營弁爲政修行宮修城堞修鎮  
衛等衙門取灰於本州之灰戶而灰戶曾應養等在



近本縣中方與順福一都三里爲隣因而越界扯夫  
名爲運灰實爲幫索三里之民遂無寧宇此則成例  
所未有而起於營弁之播惡刁民附之遂爲一定之  
例者也今幸各憲仁明遞運損防吹手等役工食懷  
羅便晃等馬額銀康熙元年内悉蒙撥歸本縣以省  
解輸之煩班匠除去逃亡是去累者一也而撥協懷  
化沅便等驛里夫三十六名元年内又蒙各憲一一  
批准撥歸本縣以免分應奔命之苦是去累者二也  
順福一都三里灰夫康熙三年內知縣張扶翼申詳

黔陽縣志

卷之十四

賦役三

三十九

龍標藏板

復蒙上憲批免仍飭正不許越界拔累而三里之民  
永絕追呼之擾是去累者三也以數十餘年積此三  
累而於數月數日之間釋之民慶更生敢忘所自爲  
黔民者子子孫孫長頌父母之德矣  
向文煥興革條議

竊惟廣直言一事下及郡縣之官以吏治民嚴有專  
司之責官民上下有相通之情故凡應興應革無妨  
敷陳其一得之愚蓋惟恐官有不盡職而民隱壅於  
上聞也惟是黔陽初復之後寥寥才遺存什一於千



伯未違言興利先與言便民之事蓋民便則自利矣  
便莫先於均里甲黔邑坊里二十有一額糧五千三  
百石二十年變亂以來僅存熟糧五百八十石較之  
原額減去十分之九錢糧惟正之供不必計里甲之  
大小其間成熟有多寡而里甲因之分大小矣既大  
小多寡之不勻而差徭何可概齊欲照里則糧少者  
累欲照糧則糧多者亦累而哀多益寡勢有必然務  
使錢糧里遞編撥均勻無里小差繁之怨無糧多差  
重之憂雖目前有更張之勞而事後獲平均之樂夫

黔陽縣志

卷之十四

賦役三

四十

龍標藏板

里甲均小民不獨免偏累之苦而開墾生聚可計日  
俟矣未遑計百姓之安先與言革弊蓋革弊則百姓  
安矣亦惟去其太甚者黔邑以凋瘵之地當水陸四  
達之衝絡繹往來從無虛日即使地方全盛人民富  
庶之秋際軍興之日尚苦征求難繼况乃死亡略盡  
生聚絕稀而寥寥殘喘本分之外分身四應乎通縣  
夫馬自全書而外又加協濟復於去年又增懷化辰  
溪沅水三處夫役欲親當則分身難應欲僱募則窮  
苦莫支正如久病甫瘳血氣未平筋力猶憊藥餌調



扶更須加意何忍加之督責重之困苦乎務須革  
外之差以甦民生紓罷做之力以培元氣夫重差革  
小民不獨獲休養之期而怨咨無聞休和翔洽矣

張

按興革二議利弊最切於邑係順治十八年

向宦條而上之前令者會前令以事去未及議行適  
余甫蒞任求地方興革事宜向宦復錄此以示余思  
此二事實切於黔顧行之有次第是時邑最苦協夫  
於康熙元年詳撤州縣五驛協夫四十九名

案見右

次年乃議均編里甲以坊里各甲之朋戶丁糧多自

# 黔陽縣志

卷之十四

賦役三

四十一

龍標藏板

願出頂空甲者均編之具詳院道本府蒙批允議方  
毅然行之會強梗從中阻撓事遂止蓋愚民不可與  
慮始里逸均平利在小戶而亦未嘗不在大戶里甲  
偏枯利歸豪強而害乃歸於通縣余每以不能善為  
奉行力成此事為大恨後之君子竊有望焉志此以  
見余於此議不能無遺恨云

張扶翼詳允撤夫補馬案

康熙元年五月內奉撫憲劉牌為廣詢利弊事行查  
到縣知縣張扶翼查看得地方利弊唯身任地方者



見之最真則言之獨切卑職到任四閱月矣目擊黔民之苦亟所當革者莫如驛遞夫馬也卑縣自十五年始行開復舊設竹站廬黔同驛三驛久經奉裁全書額載止縣前脚馬二十四匹於順治十六年四月內奉文立站起發價湊買共馬一十九匹原已缺額五匹繼因

王師上取雲貴院憲駐節沅州上通滇黔下接辰常南聯湖南武靖北枕懷化沅水而卑縣遂爲四通五達水陸衝衢矣差繁馬少於十七年署縣陳經歷任內一

黔陽縣志

卷之十四

賦役三

四十二

龍標載板

年之間相續倒斃十匹見在走遞之馬僅有九匹以最衝之區而應以九匹之馬黔邑之困儆可知也且缺額之馬未請足額而倒斃之馬又按日申報止銷工料矣無奈大差急差往來如織馬不足應則一馬代以三夫夫既貼馬實無工料開銷黔民之困儆又可知也此猶未也以夫言之全書額載縣前排夫四十六名十七年內地地方初定當事謂沅州爲大衝撥黔陽人夫三十六名編協沅水懷化便水又協辰谿防夫一十三名每名歲解正閏工食銀七兩三錢二



分是額載之夫四十六名瓜分四處共四十九名較之全書額載反多去三名矣前任之官類皆委署故任其裁去不爲力爭遂使衝邑之苦日甚一日若卑縣瓜分四散之夫倘蒙迅賜撤回仍歸縣邑則站夫之困可立蘇矣至於十五匹馬之空缺查卑縣夫馬工料卑縣所出無多皆仰給於驛憲之掛發缺額之馬工料既不敢冒領倒斃之馬隨倒隨申其工料亦不敢妄支倘蒙以空缺之工料買復二十四匹之原額則驛馬之困又可立蘇矣猶未已也卑縣陸有陸

黔陽縣志

卷之十四

賦役三

四十三

龍標藏板

路之衝至於水路之衝尤難應付卑縣灘河一線上通貴州下接辰常素不產船一應大小差使凡由水路者必至卑縣雖無換船之例難免僱貼之苦且卑縣所屬遼遠凡幫拽下水直至辰谿縣水路三百餘里而幫拽上水到沅凡二百餘里上下皆荒山險灘日行不過三四十里僱募往返必須旬日每夫一名僱價一兩以至二兩不等貼船之銀又在此外按程幫貼必索多金荒殘小邑無船無夫反爲往來差使射利之媒而縣庭爲集閩之區卑職查得黔陽之下



有洪江水驛地屬會同縣見有驛官地當辰黔之中  
自今以後下水由黔陽遞至洪江驛洪江驛遞至辰  
谿縣由辰谿而上者亦然上水於沅黔交界之處仍  
設竹站水驛交替接換庶站不苦長夫無獨累伏乞  
憲臺批允勒石河干絕水船之幫貼嚴交界之遞送  
則水驛之困又可立蘇矣卑職身在地方目擊衝驛  
之繁苦竊謂地方利之當興弊之當革無過於此伏  
候憲裁詳上蒙撫部院劉批驛憲確議蒙驛憲宋查  
看得黔陽排夫一役先據縣民黃惟貴等赴憲告爲

黔陽縣志

卷之十四

賦役三

四十四

龍標藏板

殘黎湯火號痛求生事奉批仰驛鹽道查報奉此隨  
經檄行該縣查議前來備看得黔陽自滇黔廓清以  
來奉文照依舊額全書設夫四十六名馬二十四匹  
以供走遞本道衙門並未撥動一夫一馬協濟各驛  
茲據控稱額外增協沅水一十六名懷化一十五名  
便水五名辰谿一十三名或係彼地道道府目擊各驛  
繁難暫爲調協以致黔民苦累至極今本道更定夫  
馬照舊歸還可甦黔民之苦矣至稱額馬二十四匹  
除倒斃外見今止存九匹自應責令購補以速傳命



合無呈請憲臺俯賜批示下道以便移會辰沅道嚴  
飭各驛各用各夫不許再爲拔累仍查該縣各倒馬  
空缺銀兩購買聽馬補足原額伺候應付可也詳上  
奉撫部院批黔夫撥協懷沅等四處未經驛道詳撥  
是奉何衙門所行仰移辰沅道速查飭正報該縣倒  
馬缺額卽行購買足額繳

張扶翼詳免順福灰夫案

黔陽縣爲民困已不可支州民違例指派灰夫播惡  
三里伏乞正州縣之分界禁例外之科求以蘇民困

黔陽縣志

卷之十四

賦役三

四十五

龍標藏板

以垂不朽事竊照州縣分域各別徭役以藉爲憑此  
國家之定例也本州修理城垣夫匠各屬皆然義何敢  
辭獨灰夫一事例所不載查本州審戶會應養郭陳  
周等業耑燒灰官不用灰則享賣灰之利及城工用  
灰旣領灰價又免城夫雖運灰有夫咫尺入船未爲  
苦累乃越州縣之分界自本縣順福一都三里與州  
爲隣之里遽悉加以灰夫之名希索銀錢以充谿欲  
戶戶泣訴到縣情實堪憐卑職欲具詳請命者久矣  
念城工方殷正官民拮据奉公之日何敢迨訴民情



乃灰惡會應養等仍復不悛既訟於州差拘未已又  
控本都憲奉批沅州查審目今正值早禾告登之時  
三里之民婦子皇皇未知所措似此狠惡隣邑爲谿  
若不激切上請是以無例之誅求爲無窮之民害也  
且會應養等所引之例票乃前季時僞總兵僞都督  
之妄行不順理法不本成規此前季之弊政不得引  
之爲例者人戶以藉爲憑條律日星黔邑之民旣不  
屬於州之灰籍白不應私幫州民會應養等之灰夫  
州縣各有分界順福一都三里旣屬本縣版籍自不

黔陽縣志

卷之十四

賦役三

四十六

龍標藏板

應割協州民之灰差今幸城工告竣而會應養等之  
苛索無已伏乞本都憲准勅刑廉一併審究豁除非  
徭庶幾正州縣之分界各當各差免額外之誅求一  
蘓民命詳上部院周批辰刑廳查報續據署刑府潘  
將會應養等不合越界妄扯苦累三里情由審擬詳  
復奉部院批黔陽三里灰夫如議免仍飭正行繳又  
同時詳本州戴奉批旣係縣民如詳豁銷繳三里之  
累乃以永除

張扶翼詳撥原神奇庄案



康熙四年內蒙守憲宋軫念辰屬兵燹之後郡縣凋殘爲流亾之未復也因以查詢招徠事宜一案備查到縣令將便民宜俗者各抒所見詳議以憑酌奪知縣張扶翼條議曰民所以招之不來亦有來有不盡來者其故有二請一一詳言之夫欲未歸之民有樂土之思必先使見在之民有安土重遷之意者也今見在之民有岌岌不安之勢尚敢望流離之民旦夕復業哉黔邑之民所以岌岌未安者其一則寄庄之爲害也黔陽坊里二十一圖荒殘之後里甲之大錢

黔陽縣志

卷之十四

賦役三

四十七

龍標藏板

糧之多原神爲最通里之累俱在寄庄寄庄者沅州之紳衿富民籍屬於州而所置買黔陽之田糧則附入原神各甲之中名爲寄庄類屬豪強大姓一應差徭倚恃隔屬本管莫可如何已爲贅瘤矣尤可異者乘前季之末混亂版籍將各甲在縣之糧提入州驛走遞夫馬錢糧版籍則在於縣夫馬苦差又歸於州並未奉有何行其中飛詭影射總難究詰以致一甲之民代爲賠累苦累至極戶戶思逃本縣欲代爲分豁則錢糧絲毫皆關



國課夫馬時刻悉須郵傳若勒令代當則苦累無休何有紀極是原神一里之本管悉爲州民豪強之魚肉也大累不除見在之民以鄉井爲畏土尚敢望在外者之歸哉伏乞憲台毅然勒州查卑縣版籍額糧是何年月日奉何上明文撥入州驛叩懇照後開糧石盡數撥還本縣當差則原神一里賦稅當一縣之半此一里之民皆安心不逃則流亡之民必以鄉土爲樂國矣其一則請緩五年盡墾之嚴限也民聚則土闢土闢則民富民孰不欲富而力有未克責以五年

黔陽縣志

卷之十四

賦役三

四十八

龍標藏板

全墾勢必萬萬不能民既萬萬不能全墾嚴限已迫督責豈能稍寬見在之民苦於督責之嚴而流亡之民又以脫然無累爲苟且遷延之計矣伏乞憲台毅然轉請念辰屬之入版圖在各省各府之後則今日之責墾自應與腹裏府縣於順治元年卽入版圖者不同分別年限再示寬展則見在之民無督責之煩擾而流亡之民又必以鄉土爲樂國矣卑職念此二者至熟寬五年之嚴令休其民力杜豪強之影射正其版圖竊以爲招徠之事莫宜於此也康熙四年三



月初九日具詳守憲本月十四日奉批據詳已經彙轉矣其內有該縣寄庄之沅州紳衿豪民等混亂版籍撥入州驛殊干法紀該縣卽照原開有名人犯并干審里總拘候提審如有不服卽申沅州拘解可也毋得縱脫限五日內先報奉此知縣張扶翼曰興利莫如久去害莫如速蓋利惟久而民乃得有其利也去害速而害乃得去也今守憲之撥正版籍恐其距而脫也限以五日先報非其義與續蒙批本府理刑府梁審將在州之糧盡數撥歸本縣按糧應差示爲

黔陽縣志

卷之十四

賦役三

四十九

龍標藏板

定例仍將里民代賠銀兩照追分別徒杖申詳守憲轉詳督撫在案而版籍以正民累以除